

DI PIACHI PA CURIOSO

...Flora di Aruba como medio curativo...

Scobo tabata otro planta cu tabata ser usa como medio curativo.

E planta y especialmente e raiznan tabata ser herbe y usa como baño contra keintura. Scobio, Scoparia Annuu, tabata ser usa tambe pa kita iritacion, y enfermedadnan di cual muchanan tabata sufri.

Sangura ta e nomber pa Hyptis Suaveolens, di cual e blachinan y ramanan, cu tabata ser kita berde for di palo y usa ora nan seca, tabata fungi como un bebida contra problemanan digestivo.

Tambe e tabata ser bebe diariamente pa tene e stoma den bon condicion. Hombenan cu tabata sali keiro, tabata bebe frecuentemente pa pone stoma na papiyot.

Muchanan cu tabata yora tambe tabata haya e thee di Sangura.

Polvo Shimaron, Argemone Mexicana, ta un di e yerbanan cu ta cura tur enfermedad.

E likido di e yerba cu tabata ser corta ora e tabata fresco, tabata ser pone ariba heridanan.

Tambe e yerba tabata ser usa contra cayo.

Como tonico, solamente e raiznan tabata ser herbe.

Pa tene nervionan den condicion tabata bebe Polvo Shimaron diariamente.

Yerba Stinki Blanco



(Datura Metel) tabata ser usa berde, despues di laba e blachinan pa baha hinchadura.

Dolor di cabez tabata ser trata cu e yerba mara na cabez y den nanishi na momento di gripe.

Yerba stinki tabata un medicamento tambe pa dolor den barica.

E simianan ta venenoso.

Ta ser continua

Diario. - (22 april 1983)